

POLITIKA O IZUZEĆU

Coca-Cola

Hellenic Bottling Company

SADRŽAJ

I.	Izjava o politici	2
II.	Područje primjene	2
III.	Osoba za kontakt za etično poslovanje i usklađenost	2
IV.	Pregled politike o sankcijama	3
V.	Izuzete osoba iz EU, Švicarske, UK-a ili SAD-a	4
VI.	Obuka	Error! Bookmark not defined.
VII.	Izražavanje zabrinutosti	6
VIII.	Nepoštovanje ove politike i kazne	6

I. Izjava o politici

Kompanija Coca-Cola Hellenic Bottling Company i njena zavisna društva (zajedno „CCHBC“ ili „Društvo“) obavezuju se na potpunu usklađenost sa svim zakonima i propisima koji se primjenjuju na vođenje njihovog poslovanja, uključujući sve zakone i propise o privrednim sankcijama, embarga ili restriktivne mjere („Sankcije“). Politika je Društva da se CCHBC i njena zavisna društva, kao i njezini zaposlenici, moraju pridržavati svih sankcija koje se na njih primjenjuju i ne smiju se baviti poslovanjem koje bi moglo prekršiti primjenjive sankcije (u ovom dokumentu, upućivanje na „zabranjene transakcije“ znači transakcije koje bi predstavljale kršenje primjenjivih sankcija). Uprava CCHBC-a upućuje sve zaposlenike Društva uključene u međunarodne poslovne transakcije da razumiju osnovne elemente takvih primjenjivih zakona i da ih se uvijek pridržavaju. Usklađenost sa ovim primjenjivim zakonima ključna je komponenta ugleda i uspjeha kompanije.

Društvo vrlo ozbiljno shvata usklađenost sa tim zakonima i usvojila je ovu Politiku o izuzeću („Politika“) i druge politike, kao što je Politika o sankcijama. Svi zaposlenici Društva, uključujući sve službenike, direktore i zaposlenike CCHBC-a, kao i zaposlenike bilo kojeg subjekta koje Društvo kontroliše ili kojim Društvo upravlja, mora pregledati ovu Politiku i upoznati se sa njom. Najnovija verzija ove Politike dostupna je na intranetu i web stranici Društva www.coca-colahellenic.com.

Kršenje primjenjivih zakona i propisa može dovesti do teških kaznenih i građanskih kazni izrečenih protiv Društva i pojedinaca. Kazne mogu uključivati značajne novčane i zatvorske kazne za pojedince. Zatim, takva kršenja mogu dovesti do poremećaja u poslovanju Društva i narušavanja njenog ugleda kod dobavljača, kupaca i u široj javnosti. Društvo može nametnuti disciplinske mjere, uključujući otpuštanje, zaposlenicima koji krše primjenjive zakone ili ovu Politiku.

Svaki zaposlenik koji postane svjestan bilo kakvog poslovnog odnosa ili transakcije koja bi mogla kršiti bilo koji primjenjivi zakon ili ovu Politiku, trebao bi to prijaviti pravniku u relevantnom odjelu za pravne poslove Društva („Službenik za etično poslovanje i usklađenost“) što je ranije moguće, kako bi dobio daljnje smjernice ili putem naše linije „Progovorite s povjerenjem!“.

Ako imate pitanja o ovoj Politici, molimo vas da se obratite svom rukovodiocu ili svom službeniku za etično poslovanje i usklađenost.

II. Područje primjene

Ova se Politika odnosi na **sve** zaposlenike Društva i primjenjuje se na **sve** transakcije koje provode Društvo i zaposlenici Društva bilo gdje u svijetu.

Usklađenost sa Politikom je obavezna. Svi zaposlenici Društva moraju pročitati i razumjeti Politiku. Društvo ni pod kojim okolnostima neće odobriti, uključiti se niti tolerisati bilo koju poslovnu praksu koja nije u skladu sa ovom Politikom.

III. Osoba za kontakt za etično poslovanje i usklađenost

Odgovor na pitanje kojem biste se službeniku za etično poslovanje i usklađenost trebali obratiti ovisi o vašem radnom mjestu:

- Zaposlenici koji obavljaju funkcije na nivou neke države: Direktor Odjela za pravne poslove za Poslovnu jedinicu
- Nacionalni Direktor Odjela za pravne poslove i zaposlenici koji obavljaju funkcije na nivou Grupe: Voditelj odjela za osiguranje pravne usklađenosti

- Glavni direktori, članovi izvršnog rukovodećeg tima i glavni izvršni direktor: Glavni savjetnik.

IV. Pregled Politike o sankcijama

Politika Društva o sankcijama (dostupna na intranetu i web stranici Društva www.coca-colahellenic.com) uključuje sažetak ograničenja sankcija i pregled osoba koje se moraju pridržavati sankcija EU, Švicarske, UK-a¹ i SAD-a.²

Općenito, protivzakonito je poduzimanje direktnih radnji kojim se krše sankcije. Također je zabranjeno osobama iz EU, Švicarske ili UK-a koristiti zavisna društva izvan EU, Švicarske ili UK-a, kako bi zaobišle obaveze koje se primjenjuju na te osobe iz EU, Švicarske ili UK-a. Ova je zabrana poznata kao „zaobilaženje“. Na primjer, ako je zavisnom društvu Društva izvan EU bilo dopušteno sklopiti transakciju sa subjektom koji podliježe sankcijama EU, smatralo bi se da subjekt Društva u EU ili zaposlenici Društva iz EU zaobilaze sankcije EU ako „učestvuju u aktivnostima“ povezanim sa transakcijom čiji je cilj ili efekat bio zaobilaženje sankcija.

Iako se primjeri zabranjenog „omogućavanja“ prema sankcijama SAD-a navedeni u sljedećem odlomku na sličan način primjenjuju i na koncept zaobilaženja, u ovom bi primjeru Društvu u praksi bilo dopušteno provoditi opšte operativne politike ili postupke kako bi se osigurala usklađenost sa sankcijama, ali bi se mijenjanje politike za određenu transakciju radi izbjegavanja primjenjivih sankcija moglo smatrati zaobilaženjem.

Prema sankcijama SAD-a, protivzakonito je „omogućavati“ radnje drugih, čak i radnje osoba koje nisu iz SAD-a, ako bi takve radnje kršile sankcije, ako bi ih poduzela osoba iz SAD-a. Zabranjeno omogućavanje osobe iz SAD-a može uključivati, na primjer:

- savjetovanje, pomaganje, odobravanje, ovlašćivanje, podržavanje, upućivanje, posredovanje, finansiranje ili donošenje odluka za transakciju koju poduzima osoba izvan SAD-a, koja na bilo koji način uključuje cilj sankcija osim aktivnosti čisto službeničke ili izvještajne prirode,
- upućivanje na narudžbenice za kupovinu osoba izvan SAD-a, zahtjeve za ponude ili slične poslovne prilike koje uključuju cilj sankcija,
- mijenjanje operativnih politika ili postupaka ili politika ili postupaka zavisnog ili povezanog društva izvan SAD-a, kako bi se tom zavisnom ili povezanom društvu omogućilo učestvovanje u određenoj transakciji koja je zabranjena sankcijama SAD-a.

Međutim, dopušteno je primati opšte informacije koje se odnose na poslovanje Društva, kao što su opšti izvještaji, poslovni planovi, proračuni i izvještaji o zaradi, uključivati takve informacije u pripremu konsolidovanih izvještaja i na drugi način donositi odluke koje se odnose na poslovanje Društva općenito.

Svaki program sankcija koji provode EU, Švicarska, UK i SAD uključuje različite odredbe i zabrane, a pitanja koja se odnose na usklađenost s primjenjivim sankcijama uveliko zavise o činjenicama. **Sva pitanja u vezi s tim morate iznijeti svom Službeniku za etično poslovanje i usklađenost.**

¹ Upućivanje na sankcije UK-a bit će uključeno u sljedeće ažuriranje Politike o sankcijama. Sažetak osoba koje se moraju pridržavati sankcija UK-a naveden je u V. odjeljku ove Politike.

² Kao što je navedeno u Politici o sankcijama, od posebne su važnosti švicarske sankcije, s obzirom na to da CCHBC ima sjedište u Švicarskoj, kao i sankcije EU, s obzirom na to da CCHBC obavlja značajan dio svog poslovanja u EU.

V. Izuzeće osoba iz EU, Švicarske, UK-a ili SAD-a

Sankcije EU primjenjuju se na: (i) sve zaposlenike Društva državljane EU; (ii) kompanije registrirane u EU u vezi s poslovima koji se obavljaju unutar i izvan EU; (iii) kao i zaposlenike izvan EU koji se fizički nalaze u EU. Osim za pružanje savjeta o usklađenosti i drugih ovlaštenih pravnih usluga, osobe državljani EU (uključujući više rukovodstvo ili direktore) moraju biti isključeni iz bilo kakvog učestvovanja u zabranjenim transakcijama.

Sankcije Švicarske primjenjuju se na: (i) sve zaposlenike Društva državljane Švicarske; (ii) kompanije registrovane u Švicarskoj u vezi s poslovima koji se obavljaju unutar i izvan Švicarske; (iii) kao i zaposlenike izvan Švicarske koji se fizički nalaze u Švicarskoj. Osim za pružanje savjeta o usklađenosti i drugih ovlaštenih pravnih usluga, državljani Švicarske (uključujući više rukovodstvo ili direktore) moraju biti isključeni iz bilo kakvog učestvovanja u zabranjenim transakcijama.

Sankcije UK-a primjenjuju se na: (i) sve zaposlenike Društva državljane UK-u; (ii) kompanije registrovane u UK-u u vezi s poslovima koji se obavljaju unutar i izvan UK-a; (iii) kao i zaposlenike izvan UK-a koji se fizički nalaze u UK-u. Osim za pružanje savjeta o usklađenosti i drugih ovlaštenih pravnih usluga, državljani UK-a (uključujući više rukovodstvo ili direktore) moraju biti isključeni iz bilo kakvog učestvovanja u zabranjenim transakcijama.

Sankcije SAD-a primjenjuju se na sve zaposlenike Društva SAD-a (uključujući sve državljane SAD-a i osobe sa stalnim boravkom u SAD-u) ili bilo koje povezane subjekte ili zajedničke poduhvate, kao i zaposlenike koji nisu državljani SAD-a koji se fizički nalaze u SAD-u. Osim za pružanje savjeta o usklađenosti i drugih ovlaštenih pravnih usluga, osobe iz SAD-a (uključujući više rukovodstvo ili direktore) moraju biti isključeni iz bilo kakvog učestvovanja u zabranjenim transakcijama.

U okolnostima u kojima je subjektu CCHBC-a, u skladu s važećim zakonima, dopušteno učestvovati u poslovima koji bi predstavljali zabranjenu transakciju prema sankcijama EU, Švicarske, UK-a ili SAD-a, svim subjektima iz EU, Švicarske, UK-a ili SAD-a i zaposlenici, službenici ili direktori (uključujući osobe koje nisu iz EU, Švicarske, UK-a ili SAD-a dok su u tim zemljama) zabranjeno je učestvovati u takvim transakcijama i podržavati ih na drugi način osim ako za to nemaju dozvolu nadležnog organa ili su na drugi način za to ovlašteni. U takvim se okolnostima svi zaposlenici, službenici ili direktori koji se moraju pridržavati Sankcija, moraju pridržavati sljedećih postupaka:

- Zabranjeno je pružanje savjeta, pomoći ili druge podrške u vezi s poslovima koji su, direktno ili indirektno, povezani sa bilo kojom zabranjenom transakcijom.
- Zabranjeno je nadzirati, ovlastiti ili odobriti bilo koje poslovanje koje je, direktno ili indirektno, povezano sa zabranjenom transakcijom ili upravljati ponašanjem drugih zaposlenika ili usmjeravati takvo ponašanje u vezi sa takvim poslovanjem.
- Zabranjeno je pregledavati, odobravati ili komentarisati uslove bilo koje transakcije ili dokumentacije o poslu, učestvovati u bilo kakvim pregovorima ili na drugi način pomagati u promicanju transakcije koja je povezana, direktno ili indirektno, sa bilo kojom zabranjenom transakcijom.
- Zabranjeno je učestvovati u restrukturiranju bilo kakvih transakcija, operacija, proizvoda ili usluga u svrhu olakšavanja poslova povezanih, direktno ili indirektno, sa zabranjenom transakcijom.
- Zabranjeno je pružanje bilo kakvih usluga (npr. računovodstvo, logistika, administracija ugovora i tehničke usluge) za pružanje podrške poslovima povezanim, direktno ili indirektno, sa zabranjenom transakcijom.
- Zabranjeno je upućivati poslove povezane, direktno ili indirektno, sa zabranjenom transakcijom osobama izvan EU, Švicarske, UK-a ili SAD-a. Ako osoba iz EU, Švicarske, UK-a ili SAD-a od bilo

koga primi upit koji se odnosi na predmet koji direktno ili indirektno uključuje zabranjenu transakciju, ta osoba iz EU, Švicarske, UK-a ili SAD-a mora odbiti odgovoriti (ili potvrditi da ne može odgovoriti) i ne smije prosljediti predmet osobi koja nije iz EU, Švicarske, UK-a ili SAD-a.

- Zabranjeno je pružanje bilo kakvih usluga u vezi s odobravanjem novog duga sa razdobljem otplate koje je duže od primjenjivog roka dospjeća ili odobravanjem novog kapitala subjektima koji se pojavljuju na popisima sektorskih sankcija.
- Zabranjeno je učestvovati u bilo kojem dijelu bilo kojeg sastanka ili odbora, uključujući planiranje ili glasanje, u promociji poslova povezanih, direktno ili indirektno, sa zabranjenom transakcijom.
- Zabranjeno je učestvovati u mijenjanju operativnih politika ili postupaka za određenu transakciju čime bi se omogućilo neovlašteno poslovanje u vezi sa zabranjenom transakcijom.

Zaposlenici, službenici ili direktori koji nisu osobe iz EU, Švicarske, UK-a ili SAD-a ne smiju uključivati osobe iz EU, Švicarske, UK-a ili SAD-a ili bilo koje osobe koje se nalaze u tim područjima nadležnosti u bilo koji posao koji uključuje, direktno ili indirektno, zabranjenu transakciju. U takvim se okolnostima zaposlenici, službenici ili direktori koji nisu državljani EU, Švicarske, UK-a ili SAD-a moraju pridržavati sljedećih postupaka:

- Zabranjeno je učestvovati u bilo kakvim predmetima koji su povezani, direktno ili indirektno, sa zabranjenom transakcijom dok ste u EU, Švicarskoj, Ujedinjenom Kraljevstvu ili Sjedinjenim Državama.
- Zabranjeno je prenijeti odgovornost na osobu iz EU, Švicarske, UK-a ili SAD-a za bilo koja pitanja koja se, direktno ili indirektno, odnose na zabranjenu transakciju ili zahtijevati da osoba iz EU, Švicarske, UK-a ili SAD-a pomogne u toj transakciji.
- Zabranjeno je razgovarati o bilo kojim stranama ili drugim aspektima povezanim, direktno ili indirektno, sa zabranjenom transakcijom, sa osobom iz EU, Švicarske, Ujedinjenog Kraljevstva ili SAD-a, osim kako bi ih se upozorilo na potrebu pridržavanja ove Politike ili pokrenulo pitanje o usklađenosti.
- Zabranjeno je uključivanje osoba iz EU, Švicarske, UK-a ili SAD-a u bilo kakve rasprave, sastanke ili drugu korespondenciju u vezi s bilo kojim pitanjima povezanim, direktno ili indirektno, sa zabranjenom transakcijom.
- Zabranjeno je uskraćivanjem informacija (npr. namjernim uklanjanjem upućivanja na ime sankcionisane osobe iz korespondencije ili komunikacije) pokušati uključiti osobe iz EU, Švicarske, UK-a ili SAD-a u bilo koja pitanja povezana, direktno ili indirektno, sa zabranjenom transakcijom.

Društvo je dužno provjeriti državljanstvo svih budućih zaposlenika, službenika i direktora tokom postupka zapošljavanja i dokumentovati takve provjere. Svi zaposlenici, službenici ili direktori moraju proaktivno obavijestiti Odjel za ljudske potencijale o svim promjenama svog statusa useljenika.

VI. Obuka

Relevantni zaposlenici Društva proći će obuku o usklađenosti s ovom Politikom pri zapošljavanju i nakon toga na godišnjoj razini. Službenik za etično poslovanje i usklađenost vodit će dnevnik obuke koji će dokumentovati kada je svaki zaposlenik prošao obuku i o kojim temama.

VII. Izražavanje zabrinutosti

Ako primijetite ponašanje koje bi moglo kršiti ovu Politiku, morate **takvu informaciju odmah prijaviti službeniku za etično poslovanje i usklađenost** te zaustaviti predloženu aktivnost dok se za nju ne dobije odobrenje. Protiv zaposlenika koji prijave kršenje ove Politike neće se poduzeti negativne radnje po pitanju njihovog zaposlenja.

VIII. Nepoštovanje ove Politike i kazne

Nepoštovanje ove Politike smatrat ćemo ozbiljnim problemom koji zahtijeva poduzimanje disciplinskih mjera, uključujući i otkaz, ondje gdje je to dopušteno zakonom. Kršenje zakona o sankcijama može izložiti kompaniju, njene direktore i zaposlenike ozbiljnim građanskim i krivičnim kaznama, uključujući ozbiljne novčane kazne i zatvorske kazne, kao i administrativne kazne.

IX. Kada u nešto niste sigurni, zatražite savjet

Za pitanja ili sumnje u vezi sa ovom Politikom ili općenito za pitanja koja se odnose na zakone o sankcijama, obratite se svom Službeniku za etično poslovanje i usklađenost ili liniji „Progovorite s povjerenjem!“.

17. novembar 2022.